

欽定四庫全書

子部

普濟方卷三百八十七



南京中医药大学图书馆版权所有

普濟方卷之四

新蟲獸傷



蛇傷

蛇火蟲也熱氣火極為毒

黃南尤多彼山崇而濕水

蛇類有尺南山有一山居

中夏瘴氣盛行亦緣

周王朱橚撰

世五方所出名稱不同

鬱所生最盛斬黃之

當四五月之交群蛇

此也凡蛇數不可悉狀其毒極微不能殺人者惟花蛇
烏蛇故入藥品凡見蛇不言正名但云虫及地索之類
以避之或入山及履深草宜帶雄黃麝香避之蛇入人
家者燒羖羊角令烟遍覆即去矣○青蝻蛇正綠色喜
緣木及竹上與竹木色一種人卒不覺若人入山林中
行脫能落頭背上然自不甚嚙人嚙人必死那可屢肆
其毒此蛇無甚極大大者不過四五尺世人皆呼為青
條蛇其尾二三寸色異者名矯尾最烈○凡見蛇不應

言蛇皆言虫及云地索勿正言其名也惡蛇之類甚多而毒有差劇時四月五月中青蛙三角蒼虺白頭大蜴六月七月中竹狩艾蝮黑甲赤目黃口反釣白蛙三角此皆蛇毒之猛者中人不即治多死又有赤連黃頰之類復有六七種方書不盡記其名水中黑色者名公螭山中一種亦相似不常聞螫人又有釣虵尾如釣能倒牽人獸入水沒而食之又南方有响蛇人或傷之不死終身伺覓其主雖百人衆中亦直來取之唯遠出百里

乃可免爾又有蛇長七八尺如舩蛇狀毒人必死即
削取蛇煮汁漬之便瘥凡大蛇多是神不可妄殺之又
額上有白色狀如王字者有靈或有角形者此是欲變
為龍也但蛇類雖多今皆以青條矯尾白頸艾蝮其毒
尤劇大者中人若不即治一日間舉體洪腫皮肉坼爛
中者尚可得二三日也青蝱中人立死虺毒急於衆蛇
不早療之多斷人手足凡被蛇螫第一禁第二藥無出
此二者有金劑雄黃麝香可預辦今凡俗知禁者甚少

尋按師術已至困斃惟宜勤事諸藥或經行草路何由
皆齋方書故山居者宜令知禁法也又惡蛇螫著人即
頭解散者此蛇名黑帝其瘡冷如凍凌此大毒惡不治
一日即死若頭不散此蛇名赤帝其毒小輕瘡上冷不
治故得七日死凡蛇傷瘡未愈禁熱食便發治之更當
依初被螫法也○蝮蛇者形不甚長頭匾口尖頭斑身
赤紋斑色亦有青色黑色者人犯之頭腹貼著地者是
也東間諸山甚多其毒最烈草中行不可不慎又有一

種狀如蝮而短有四脚能跳來嚙人亦名為千歲蝮中
此必死然其嚙人竟即跳上樹作聲云斫木斫木者但
營棺具判其不救若云博叔博叔者猶可急療吳音呼
藥云叔故也

方

大黃湯 治毒蛇傷

牛膝 大青草 下馬草 胡麻草 鐵刷草

將軍草 槐樹頭 淡竹葉 小青

各等分

右同搗汁用煮酒調服祖傳瘡口將針破傷處用葱鹽湯洗淨方可傳如無將軍草雄黃少許

白礬散

出聖惠方

治諸毒蛇傷解毒

白礬

焚汁枯研

殺羊角

燒灰研各半兩

乾薑

炮一兩

射罔

一分

雄黃

麝香

研各一兩

右為細散用傳瘡上凡蛇畏雄黃疑有蛇處於舍下

微火燒雄黃蛇並散

蛇咬丹

治毒蛇傷

野菊花

二錢半

麝香

二錢

香白芷

各一錢

雄黃

二錢

右為末用好醋調擦

雄黃散 治諸毒蛇咬毒氣攻心迷悶

雄黃

研

麝香

研

乾薑

炮為末各半兩

巴豆

一分去皮膜心出盡油研

右和勻每服一字以新汲水調下纔中便服得利則

毒氣微消未利更一二服一方用丹砂

椒黃傳方

出十便良方

治一切毒蛇咬迷悶

閉口椒一兩為末

蒼耳苗五兩為末

生薑汁二合

硫黃半兩為末

右相和傳之

椒香方出聖惠方 治毒蛇咬毒氣攻心悶亂方

豉四兩 椒去月 薰陸香各三兩 白礬燒灰二兩

右以相和爛搗以唾調傳傷處

牛角散 治蛇螫竅出血凡蛇瘡未愈禁熟食犯此便

發治依初螫法出聖惠方

猫兒糞

三兩
燒灰

乾薑

一兩
對

梔黃

一兩

牛角腮

二兩

燒灰

右為散以津唾調傳於螫處

雄辛散

治惡蛇風犬所傷

詩曰

細辛草撥及雄黃

好酒研來入麝香

不問惡瘡并惡大

管教一服便安康

右等分為細末每服二錢好酒調下

半夏散

治蛇咬方

麝香 雄黃 半夏 巴豆

右等分為末傳之

麝香散 治蛇螫人竅出血凡蛇瘡未愈禁熟食犯

此便發治依初螫法

麝香 一分 細研 雄黃 一分 細研 半夏 一分 生用

右細研令勻傳之即愈

蒼耳散 治蛇螫人竅出血

白礬 二兩 研 大麻葉 五兩 剉 蒼耳莖葉 五兩 剉

右用水一斗煮至六升去滓下白礬末溫浸之

細辛散

治毒蛇所傷方

細辛

白芷

各五錢

雄黃

二錢

右細研令勻入麝香少許每服二錢溫酒調服諸般惡毒自散而安如宜方有白芨

治諸蛇毒方

用男子陰間毛二七枚含之有汁即咽却秘方也

中蛇毒勿渡水則痛甚於初螫

亦當先存想作大蜈蚣在前已隨後渡若乘船渡不諳

法殺人

輕粉散 治蛇傷

舊墨

一塊指大燒存性

輕粉

一盞

亂髮

一拳大燒存性

右為末好酒調服一過便愈相傳咬處

雄黃散 治蛇咬及惡瘡痛

雄黃

半夏

生

乾薑

生各等分

右為細末貼蛇咬處及惡瘡上

石灰散

治蛇蟲蜂蠍蛇蜘蛛沙蟲等傷

蜈蚣草

梟黃

石灰

各等分

右搗為末傳螫處

桂香散

治諸蛇咬毒氣攻心

桂

去麋皮

枯萎根

各二兩

右為細末以小竹筒盛密塞帶行卒為毒蛇所傷即傳

之此藥療諸蛇毒塞不密則氣歇不中用

二蟲膏

治諸蛇咬毒氣攻心迷悶

地龍

五枚

蜈蚣

一枚端午日收赤足者

右以相和爛搗傳之

椒蒜傳方

治諸蛇咬痛腫

椒

合口

蒜

各等分

右用同搗令熟傳之瘥一方用蒜葉

硃砂散

治諸蛇咬痛腫

右以硃砂一兩細研為末以園內生蔓葱就上取却葱角尖傾入硃砂末却以角尖覆一七日掘出葱傾

硃砂汁於一張緊薄紙上陰乾每有傷處取錢孔大紙貼之立愈

青黛散 治蛇毒及一切蟲傷但有少氣可以下藥

即活神効不可言

倉卒無藥去處以大藍汁一椀雄黃二錢調勻點在所傷處并細服其汁無藍澱花青黛代之亦可仍用
艾炙咬處

椒葫方

治蝮蛇毒